

## Izložba u saradnji sa Sveučilištem u Zagrebu na BURCH univerzitetu

Nov 05, 2018

*U organizaciji Odsjeka za arhitekturu, na Internacionalnom BURCH univerzitetu otvorena je izložba pod nazivom „Obmanjujuća komunikacija i prostor - Iluzija ili stvarnost.“ Izložba je produkt vizuelne komunikacije, rezultata i saznanja stecenih u toku istraživanja kroz aktivnosti projekta „Kultura i tehnologija za održivi razvoj.“ Projekat je implementiran u saradnji sa Sveučilištem u Zagrebu.*

Finansiran je od strane Ministarstva civilnih poslova, Bosne i Hercegovine. Cilj istraživanja je prepoznavanje potrebe za preispitivanjem sistema kulturoloških vrijednosti te kulture i tehnologije kao koherentnih sistema, u skladu sa EU strategijom održivog razvoja.

Projekat analizira kompleksne procese globalnih tokova, posebno u skladu sa nedavnim demografskim promjenama i transformacijama kulture u regionu i Evropi. Nadalje, pristupa ovoj problematici iz multidisciplinarnе perspektive, razmatrajuci aktuelna društvena pitanja kao što su, kako tehnologija može ponuditi rješenja za interkulturalni i kroskulturalni dijalog, ali isto tako i kako se ova pitanja fizicki odražavaju na prostor.

Sveobuhvatni cilj projekta je istražiti modele koegzistiranja kulture i tehnologije u kojem ce oni napredovati skupa, kako bi dostigli balans i iskoristili maksimum svojih potencijala.

International Burch University | [www.ibu.edu.ba](http://www.ibu.edu.ba)